





明刊陳少陽先生文集跋

此宗丹陽陳東集也宗嘉定時有李大有  
刊本名曰盡忠集蓋取褒郵詔中二字以表  
其志也元大德間漫有版刻今皆不可見明  
正德刻本有楊清序言丹陽孫育得盡  
忠集屬陳河為之編次計本集五卷附錄  
五卷第其書六罕觀惟彭文勤曾見季滄  
葦有藏本其後正德版燬至天啓時育之孫  
雲翼又屬其甥賀懋忠刻之即此本是也版  
式半葉九行二十字行間刻有圈點詩文後



間有雲翼按詒前錄魏了翁序後有賀懋  
忠跋卷前尚有天啓五年雲翼序而此本失  
之矣至道光戊戌李振綱重刻於邑序改題  
為陳俯撰集中經洪楊之亂版又不存光緒  
十七年丹陽知縣劉德麟又重校付梓仍復名  
少陽集前後二刻編卷悉遵此本但次第  
偶有更易耳

庚辰六月下旬截園老人識



臧園鈔本

防書樓本六稿

# 陳少方先生文集序



宋鶴山先生魏了翁華父撰

亦嘗與李忠定公之孫大有

為友得其家所刊陳公少陽

文集粹錄既詳今又得三山



間有雲翼按語前鈔魏了翁序後有賀懋忠跋卷前尚有天聖五年雲翼序而此本失之矣至道光戊戌李振綱重刻於邑序改題為陳脩撰集中經洪楊之亂版又不存光緒十七年丹陽知縣劉德麟又重校付梓仍復名少陽集前後二刻編卷悉遵此本但次第偶有更易耳

庚辰六月下旬藏園老人識



藏園鈔本

仿書編本八八稿

陳少陽先生文集序



宋鶴山先生魏了翁華父撰

亦嘗與李忠定公之孫大有為友得其家所刊陳公少陽文集粹之既詳今又得三山



孫君遇鳳所輯又加詳焉  
嗚呼自吾有狄難如劉仲偃  
寸公晦張德祥霍安國李清  
唐元任諸賢皆死節之著  
者其則如蔣祖張確朱

昭毅子朱友恭望之義不苟

士其次則有忍死於虜而卒

自明三者雖不同歸於全

其身爾矣至於平居不與榮

祿緩急不當事任而敷陳大



計連柱臣奸之死弗移如陳  
歐二賢則又人所難行者焉  
六過之遇曰過涉滅頂凶无  
咎蓋於事為凶而於義為无  
咎然則寧為陳歐而不幸歟  
其為也思祭汪黃而幸也君遇  
瓜號多聞加遊淮楚客京口  
嘗訪陳公家里得其言行甚  
悉既為之譜系併以思陵前  
後詔旨臣僚奏陳前輩題識



與范傳李記列諸篇帙非惟  
著國家育材之功抑以章祖  
宗悔過之美意集凡若干卷

後

少陽先生五言

一人紀獨至之即


千出也其久必

但之明氏新之



卷之二  
先生存身五岳陽人  
也

後學子勉然



宋陳少陽先生文集目錄

卷之一

書

登聞檢院上欽宗皇帝書

宣和七年十月二十七日

登聞檢院載上欽宗皇帝書

靖康元年正月六日

登聞檢院三上欽宗皇帝書

正月三十日

卷之二

書

伏闕上欽宗皇帝書

三月五日



辭誥命上欽宗皇帝書

四月十六日

卷之三

書

上高宗皇帝第一書

建炎元年八月十七日

上高宗皇帝第二書

八月十九日

上高宗皇帝第三書

八月二十五日

卷之四

書贊

荅江西提舉監丞蔣宣卿書

七月七日

荅延康殿學士知鎮江府趙子崧書

七月十一日

家書

自贊

卷之五

詩詞

大雪與同舍生飲太學初筮齋

詠雪三十韻

存二韻

自許昌如蔡與石士繇酌別一章

與虞章舜卿二表弟季明游蕪勝亭有作三



首

次韻同舍李冲壽夜坐

秋夜獨坐有感一章奉呈師說令尹奉議光

明主簿虞章

彦雋母挽章二首

穎川二絕

次韻士繇惜別

次韻邵予可彈琴二首

與士繇遊金山翌日分袂二絕

題吳公輔菴

茶

送友人喪二絕

徐氏哀辭

代作

和郡予賣俸豆

謁王樂道之子聞方飯絕客一絕

詠桃花菊一章

春日偶題

跋黃魯直買米帖



尹館作此覓酒召李順之飲

送黃仲達歸温州仍寄諸友

謝温州黃仲達送鄂州瓜齏

夜飲二絕

秦刷子

西江月

驀山溪 元夕

西江月 元夕

卷之六

附錄 列傳 行狀 薦劄 省勅 書

宋史列傳

行狀 陳南 先生弟處州 錄事參軍

薦劄 吳敏 少宰

又 陳公輔 司諫

又 洪凝 知海州

省勅 欽宗

書 趙子崧 知鎮江府延 康殿學士

卷之七



附錄

記劄

詔旨

誥勅

雜記

贖屍記

李猷

封事

建炎三年二月

吳敏

少宰

御旨

高宗二月六日

賜錢詔

建炎三年四月

請祀墓

五月四日

滕康

翰林學士

諭宰執

賜田勅

紹興四年十一月一日

追贈秘閣修撰誥

紹興四年一月八日

官陳南省勅

紹興四年十一月十日

加贈朝請郎誥

乾道六年十一月六日

臣僚論汪黃劄子

清波雜誌

周暉

鶴林玉露

羅大經

癸辛雜誌

周密

又

前人

東萊集

呂祖謙

鼠璞

戴埴



附錄

記 劄 詔旨 誥勅 雜記

贖屍記

李猷

封事

建炎三年二月

吳敏 少宰

御旨

高宗二月六日

賜錢詔

建炎三年四月

請祀墓

五月四日

滕康

翰林學士

諭宰執

賜田勅

紹興四年十一月一日

追贈秘閣修撰誥

紹興四年一月八日

官陳南省勅

紹興四年十一月十日

加贈朝請郎誥

乾道六年十一月六日

臣僚論汪黃劄子

清波雜誌

周暉

鶴林玉露

羅大經

癸辛雜誌

周密

又

前人

東萊集

呂祖謙

鼠璞

戴埴



續資治通鑑

劉時舉

少陽先生墓

蘇後湖

先生恩叙

高宗時諺語

亦齋程史

論黃潛善

岳珂

論先生祠額

卷之八

附錄

哀辭

像贊

挽詩

哀詞

許翰

襄陽人 右丞

讀哀辭

劉相

鄂人

又

曾季狸

乾道九年

又

汪應辰

紹興五年 進士第一

先生像贊

劉宰

號漫塘先生 謚文清

挽詩

四首

李綱

謚忠定

又

張光

侍制

讀諫議有作

王之埜

挽詩

五首

葉忠

明監察御史



題先生祠 二首

西蜀徼菴道人 失姓名

卷之九

附錄 序 記 祭文

盡忠錄序 嘉定九年 李大有 忠定公孫

又 楊一清 郡人大學士 謚文襄

丹陽學宮三賢祠記 陳摹 宋人

先生祠記 邵寶 無錫人 謚文莊

墓表 林魁 郡守

祭先生文 葉忠 見前

卷之十

附錄 題跋

跋道帖 紹興三年 劉宜孫 晉陵人

跋家書 紹興十二年 陳南 先生弟

跋陳歐遺事 嘉泰二年 周必大 益國公謚文忠

跋奏議 嘉定庚午 楊邁 金華人尚書

又 樓瓘 譙國人

又 胡攀鱗 括蒼人字士龍 司法

又 樓鑰 四明人 叅知政事 謚宣獻



又

泰山野人 失姓名

跋遺帖

孟忠厚

又 嘉定六年癸酉

劉渠

跋陳歐行實

嘉定六年

李統

跋建炎第三書

建炎十五年

王遂

金壇人謚正甫

跋建炎第三書

嘉定十六年

劉宰

金壇人謚文清

跋遺藁

全上

潘彙征

金四

又

樓申之

又

李大同

東陽人

又

黃震

字東發

又 紹定三年

譚粹古

又

陳鼎

又

陳垣

又 紹定五年

羅愚

察院

又 紹定五年

許元實

又 端平元年

劉希仁

莆人

又 端平元年

吳潛

宛陵人留守

又 端平元年

衛价

歷城人郡僚



又 嘉熙元年

桂如虎 富川人修撰

又 嘉熙元年

任哀然 四明人

又 嘉熙元年

徐畋 鄂渚人制幹

又 嘉熙二年

陳宗 金壇人

又 嘉熙二年

章琰 桐鄉人運使

又

伍震 鄞人制幹

又 嘉熙四年

滕嘉 東陽人

又 淳祐六年

張介

又 淳祐九年

趙噩夫

又 淳祐九年

竇忠樂

又 淳祐九年

趙崇禎

又

王邁 提刑

又 淳祐八年

孫應鳳

又

汪濟之 新安人

又 淳祐九年

印應雷

又

李憲

又 寶祐二年

朱承祖

又

高世奇



又 寶祐六年

趙與言

又 寶祐六年

趙孟迥

又 寶祐六年

詹元鼎

又 寶祐六年

許炎

又 寶祐六年

朱文炳 瀟山人運使

跋逸傳 寶祐六年

江萬里 度宗時右相 死難謚文忠

跋遺草 開慶元年

李節 單懷人提舉

又 開慶元年

趙時寶 古汴人

跋秘撰誥詞

胡儼 祭酒謚文肅

跋贈誥手書

畢亨 史 巡撫右都御

跋建炎第三書

祝允明 吳郡人應天府治中

跋畫忠錄

陳沂 斲人翰林

又

孫育 中書舍人



宋陳少陽先生文集卷之一

宋丹陽 陳東 少陽 著

邑後學 孫雲翼 禹見 編

賀懋忠 日獻 訂

書

登聞檢院上欽宗皇帝書

宣和七年十月二十七日

臣等聞自古帝王之盛莫盛於堯舜堯舜之盛莫大於賞善罰惡堯之時有八元八凱而未暇用有四凶而未暇去堯非不知其可用可去也意謂我將倦于



勤必以天下授舜特留以遺之使大明誅賞以示天下耳故傳曰舜有大功二十而爲天子天下誦之至今不息臣竊謂在道君皇帝時非無賢才如八元八凱而未用者非無姦臣賊子如四凶而未去者道君亦非不知之特留以遺

有關文

又况方此夷狄侮慢中

國正欲收天下之心求天下之策以禦夷狄之難以安中國之勢然惡者未去善者未得臣等竊爲陛下先誅所謂姦臣賊子如四凶者則天下皆曉然知陛下好惡所在行見智者獻謀勇者竭力忠臣義士不捐軀効死爲陛下用於是賢材如八元八凱者可舉而用矣夷狄何足患哉欲知姦臣賊子如四凶者

曰蔡京曰王黼曰童貫曰梁師成曰李彥曰朱勔之徒是也臣等謹按蔡京罪惡最大崇寧初上方恭默聽斷起京閑散之地擢真宰司京天資凶悖專權跋扈首爲亂階陷害忠良進用儉佞引置子孫盡居要途變亂祖宗法度快其私心竊弄朝廷爵賞固其黨與蠹竭國用殘暴生民交結宦官姑息堂吏盤根錯節牢不可解京乃偃蹇自肆無復忌憚包藏禍心



實有異志縉紳側目莫敢誰何有識之士比之王莽所  
所幸宗廟之靈社稷之福太上聰明睿智洞照其衷  
姦計數露弗得竊發使京若輔少主其篡奪復何疑  
哉此非特臣等知之天下共知之臣等聞頃時陳瓘  
任伯雨何昌言江公望皆曾論其姦狀故此數人者  
爲京一斥不復再用至有飲恨而死者天下怨之緣  
京用事姦人並進王黼相繼爲相位至公傅騁桑曼  
之容肆俳優之行欺君罔上蠹國害民無所不至假  
應奉君上之名置局私家四方珍貢盡入黼室自奉

之餘始以進御賣官鬻爵貪饕無厭姦賊狼藉縉紳  
不齒觀其所爲大抵效京朔方之釁黼實啓之是時  
童貫實同其謀貫本與京結爲表裏因京借助遂握  
兵權至爲太師進封王爵左右指使官至承宣閣卒  
庖人防團是任自古宦官之盛未有其比然貫實庸  
謬初無智謀每一出師必數千萬隨軍金帛動億萬  
計比其還朝兵失大半金帛所餘盡歸私帑臣等蓋  
嘗聞之邊人貫之用兵紀律不明賞罰不公身冒矢  
石未必獲賞爲貫親隨厚賞先及夫以師之耳日常



在大將旗鼓進退從之勝負繫焉貫身去敵常數百里是致將不先敵士不用命以見敗衄挫辱國威士卒陷亡不以實奏所獲首級增數上聞祖宗軍政壞亂掃地而又貪功冒賞不察事機朔方之兵遂致輕舉敗我國盟失我鄰好今日之事咎將誰執貫之所恃有梁師成實聯婚姻以相救援師成之惡抑何可言外示恭謹中存險詐假忠行佞藉賢濟奸盜我儒名高自標榜妄立名號衆稱隱相欲攬國家之柄盡歸諸已欲使天下士大夫盡出其門端人正士徃徃

望風疾走而避之亦有不幸而遭其黜汚者一時苟賤無耻之人爭徃從之旋致顯位王黼之進實賴師成師成與黼如貫與京內外相應捷若影響黼爲相臣專秉國政奉行師成之意而已不聞天子之命也朝廷執政侍從天下監司郡守徃徃皆師成門生蔡京父子奉之不暇至如去歲太上一日相二人師成自謂皆出已意聞者駭恨不已夫論相者天子之職也宦官擅權乃敢僭擬浸淫不已事必有大於此者馬可勝寒心頃歲李彥以根括民田按行河北京東



京西威赫三路所在州郡據堂廟坐使監司郡守列侍其傍而列侍之輩咸藉彥進不敢輒違臣等聞中間曾有人詣太上論列此事是時師成適在上側抗聲言曰王人在古諸侯之上使其人不得盡言遂致李彥凶燄益熾奪民常產重歛租課當職官吏稍有違忤卽諷監司捃摭他故無辜送獄士大夫憤鬱而死者徃徃有之三路百姓破家流蕩不知其幾人愁歎怨苦之聲洋溢道路去年京東河北止以租錢及燕山免夫之征剝克太甚盜賊四起正如兩浙曩時清溪之寇實由朱勔父子漁奪東南之民怨結數路方臘一呼四境響應屠割州縣數十殺戮吏民動傷萬計天下騷然彌歲不已皆勔父子所致生靈何辜按勔父子皆曾犯徒杖脊始因賄事蔡京夤緣入仕交結闈寺遂致超顯招權怙勢氣燄可炙出入禁闈無時而衛士莫敢呵止侵移內帑無數而有司不得會計其所請錢號爲收買花石進奉之物其實盡以入已自初至今不知其幾千萬數父子每以勾當公事爲名多挾官舟往來淮浙興販百端搔動數路蔑



視官吏僅同奴僕所貢物色盡取於民四散遣人盡  
行搜括士庶之家一花一石墳墓之上一松一栢輒  
用黃紙緘題以充進貢撤民屋廬削民塚塋幽明受  
禍所在皆然甚者深山大澤窮崖斷谷江湖危險人  
跡不可到之地苟有一花一石實生其間必作威福  
逼脅州縣期於必取間有不可力致而官吏申白者  
輒大怒詈以不奉上之名歸之官吏畏懼此名不免  
驅動百姓極力攻鑿得而後已由是致人顛蹶陷溺  
以隕其身者不知其數東南之民怨入骨髓歘食其  
肉而劬父子方且炎炎未艾天下扼腕此六賊者前  
後相繼誤我上皇離我民心天下困弊盜賊滋起兵  
革不休遂致夷狄交侵危我社稷太上哀痛情實切  
至前日詔書一出觀者如堵婦人孺子亦常流涕臣  
竊謂太上罪已之詔播告四方而京等未正典刑天  
下疑惑蓋京等平日收恩於已歛怨於上前此罪狀  
未白天下不無歸怨於太上者若不誅京等六賊將  
何以慰太上之心雪太上之謗以解天下之疑而况  
今日之事王黼實專其謀童貫實專其任敗祖宗之



盟失中國之信創開邊隙實費枝梧是致陛下新卽  
寶位遽勞北顧之憂臣子之心不勝憤憤究其所由  
蔡京壞亂於外梁師成陰賊於內李彥結怨于西北  
朱勔結怨於東南王黼童貫又從而結怨於二虜遂  
使天下之勢危如絲髮臣等竊謂此六賊者異名而  
同罪伏願陛下乾剛夬決斷自聖志擒此六賊肆諸  
市朝與衆共棄傳首四方以謝天下庶幾大上之志  
果成於陛下豈不偉哉陛下方欲鞭笞夷狄必先立  
我國威以正內勢六賊不滅國威未振蕪此六賊黨  
與之盛徧滿中外又養死士數百人自爲之備若陛  
下萬一少從寬貸止於竄逐禍胎尙存則肘腋之變  
恐生不測方之夷狄殆有甚焉史有之曰去河北群  
賊易去朝廷朋黨難陛下誠不可不畱神也而况蔡  
京王黼童貫盖嘗陰懷異意搖撼國本頃年楊戩亦  
有是心所賴陛下父慈子孝兄友弟恭此數賊者計  
弗得行天下臣子切齒刻骨有年于茲常恨未得上  
方斬馬劍斷其腰領以告宗廟陛下其忍不誅乎楊  
戩雖死願陛下亦勿赦此賊發其塚暴其骨以解天



下之怨憤梁師成乃王黼之應也黼之開邊師成實  
有助焉朱勔以奇技淫巧進而官至建節鄭居中力  
爭不可至鬱憤而死蓋當時用勔建議北伐遂有此  
除今朔方如此勔當如何乃有稍聞警急朝廷不暇  
安枕之際勔父子遽先衆人欲盡室東下計其情實  
尤不可赦李彥據有西城所錢物去歲東京盜起米  
斗千錢民兵缺食中外憂之彥乃發錢數千萬往淮  
浙買米運至京東以規厚利前日太上詔罷西城所  
錢令以其錢付之有司聞彥尚欲強占不肯交割及

至交割所存無幾宦官抗國悻慢如此尚復可容臣

等願陛下斷然無疑必殺無赦使天下忠臣義士得

信信與仲同於今日傳云去惡如農夫之務去草芟夷蘊

崇之絕其根本勿使能植則善者信矣今戎狄背叛

正爲此六賊者起陛下其忍惜此六賊以危天下乎

使唐明皇早誅楊國忠則祿山未必有以藉口幸陛

下無小不忍於此也陛下赦而不誅即恐天下共起

而誅之矣夫舜之去四凶亦見於受禪之初未聞其

猶豫也可不鑒哉臣等竊聞道路之言曰蔡京自謂



有建立儲貳之功此語尤爲悖逆太上初立陛下爲太子天下共知斷自宸衷立嫡立長古今大義何與京事而乃欲貪天之功以爲己力耶此大不然者願陛下亟圖之然後赫斯怒而北顧決策親征以威醜虜彼雖跳梁不遜豈無一念契丹昔日澶淵之禍乎臣等竊謂親征之詔一出虜人心寒膽落矣議者或謂兵食不足未可輕動臣等竊謂不然陛下即位天下歸心今更誅此六賊以快其憤孰不效死爲陛下用臣等雖布衣一介之賤亦豈不能捐軀報陛下耶况聞比日朝廷募兵日得數萬人皆一時忠勇精銳之士兵不患不足矣諸司不急之務悉已罷去而其財用盡歸朝廷富家巨室各有進獻更若藉沒六賊及他宦官幸臣素冒錫予積聚貨財不知紀極者又何患財用之不足乎臣等不自揆度輒以宗廟社稷安危大計獻于陛下干冒宸嚴罪當萬死臣不勝俯伏待罪之至

登聞檢院載上欽宗皇帝書

靖康元年  
正月六日

臣伏讀今月一日詔書自中外臣寮以至庶民嘗許



實封直言得失臣幸遭不諱之朝遇從諫如流之君  
正臣子知無不言之時也臣竊知太上皇已出幸毫  
杜而蔡京父子朱勔父子及童貫等輩統兵二萬從  
行臣深慮此數賊遂引太上迤邐南渡萬一果爾實  
可寒心蓋東南之地沃壤數千里郡縣千百中都百  
需悉取給焉然其風聲氣俗素尚侈靡天下貴驕之  
人往往動心京勔父子及貫等黨與布滿諸路自從  
數賊用事二十年間賢士大夫耻於遊宦東南而其  
監司郡守州縣之官率皆數賊門生若勔父子尤專

江淮二浙之勢良民受害怨之刻骨而一時奸雄豪  
強及市井惡少無不附之京父子平日善收私恩近  
除發運使宋喚是京子攸妻黨京即委喚占奪官舟  
載其家屬貫前出討方寇市恩亦衆兼聞私養死士  
自爲之備臣前日上書言六賊罪惡已當及此數賊  
罪大難掩公議弗容自知不免反怨朝廷夤緣太上  
遂請此行臣竊恐此數賊南渡之後必假太上之威  
乘勢竊發振臂一呼群惡響應離間陛下父子事必  
有至難言者則東南之地恐非朝廷有又聞京勔父



子欲歸於澗中恐歲月之久東南又有數郭藥師矣其為患豈夷狄比哉此實宗廟社稷莫大之計不敢默默伏望陛下速降睿旨急追此數賊復還闕下早正典刑仍乞檢會臣前書一併行遣却別差忠信可委之人扈從太上前往亳社庶全陛下父子之恩以安宗廟又况天下之事禍福之機藏於細微辨之不早噬臍之悔何及臣願陛下無小不忍也臣不自揆度以區區布衣之賤敢言及此罪不容誅臣俯伏以俟斧鉞

登聞檢院三上欽宗皇帝書

正月十三日

臣於去年十二月二十七日曾同本學諸生等伏闕下上書言蔡京王黼童貫梁師成李彥朱勔等六賊罪惡乞行誅戮又於今月初六日獨詣登聞檢院上書言京勔父子及貫等挾太上皇帝南去恐迤運渡江假藉威勢遂生變亂乞追數賊復還闕下各正典刑別選忠信可委之人往侍上皇前後二書至今未蒙盡賜行遣雖聞王黼李彥已曾施行然罪大謫輕未厭公論京勔父子釋而不問縱之南去師成尚在



親密之地中外疑惑臣竊謂朝廷方因夷狄之難未暇議此以故未敢再有申陳然今日事勢之急殆有甚於夷狄者况夷狄之兵皆由群賊誤上皇所致今又挾上皇於危急之地臣豈敢尙爾默默臣昨日聞諸道路之言曰高俅近收其兄伸等書報言上皇初至南京不欲前邁復爲數賊挾之而前汭路劫持則無所不至上皇飲食起居不得自如數賊阻隔甚嚴除其黨與之外不容他人輒得進見雖高俅被宣欲進亦復艱難行至泗州又詐傳上皇御筆劄付高俅

令只在本州守禦浮橋不得南來遂挾上皇渡橋而南以赴江浙其隨駕衛士盡爲群賊斥之而回聞方過橋之時衛士攀望上皇車駕失聲號慟童貫遂令勝捷親兵挽弓射之衛士中矢而踣自橋墜淮者凡百餘人高俅父子兄弟在道傍僅得一望見上皇君臣相顧泣下意若有所欲言者而群賊在側上皇氣塞聲咽不敢輒發一語道路之人莫不扼腕流涕臣雖至愚粗知忠孝傳聞此事不覺涕淚流臆爲陛下憤陛下父慈子孝天人之所共知上皇今爲天子之



父而乃受制奸臣賊子一至於此可勝寒心此臣所以汲汲爲陛下言之也蓋數賊之黨徧滿東南而上皇隨行之臣如宇文粹中又是蔡京甥壻其弟虛中聞亦竄而往蔡脩京之子也得守鎮江據千里山川要害之地宋喚蔡攸之妻黨也出領大漕專數路金穀歛散之權童貫有親隨勝捷之精兵朱勔有一鄉附已之衆惡皆平時陰結以爲備者一旦南渡卽恐振臂乘勢竊發控持大江之險奄有沃壤之饒東南千百郡縣必非朝廷有是將領陷陛下父子使之離間非特聖孝之養阻奉晨昏而其事必有至難言者臣竊謂今日之勢夷狄非所患所可深患而圖之不可少緩者正謂此爾陛下何尙不忍於此也臣知之矣必是梁師成陰有營救致陛下未得奮發英斷臣請申言師成之惡臣每得之搢紳之言曰師成爲人真是儉佞自其容貌觀之似不能言者而稽察其衷陰險禍毒最爲可畏盜我儒名外示廉靖其實招權怙勢侵我綱紀上皇每進用一宰相大臣以及侍從之官師成必收其功以歸諸已故宰相大臣秉持國



政必惟師成之命是從王黼事之不啻父兄蔡京父子趨事不暇師成氣燄傾聳朝路賢士大夫莫敢側目至如文章之事責在詞臣朝廷典誥各自有體師成必欲其文悉如已格或一背違輒行譖斥國家取士至公之選無如科舉士大夫所恃以自異者無如及第出身人主所寵絡天下英俊以求將相者正在於此而師成乃薦其門吏使臣儲宏兩次特赴廷試賜第唱名宏自登第之後依前使充使臣之役卽是天子臨軒策士止可充師成趨走執役之吏爾非特以左右奴僕玷辱士類又所以輕侮朝廷選舉之法宣和六年春上皇親策進士八百餘人皆以獻頌上書爲名特赴廷試率多師成之力盡是富商豪子先曾進納及非泛補受官職士大夫不齒之人或自身不足以應進士舉者聞每名獻師成錢七八千緡師成便與奏請特赴廷試之命師成所薦旣衆卽又轉令張補等將上其他權幸遂相効以貫利師成實啓之每遇賜第唱名之日師成必在上側臨時奏請妄有升降以害公道在廷之士往往解體國家選舉之



法爲師成壞亂幾至掃地。此事措紳士大夫上至朝廷之所共知。第畏師成不敢言。爾師成平日受四方監司郡守以下餽遺不計其數。又創置北司以聚不急之務。專領書藝局。擅建官吏贖立工徒以進市井。游手無賴之輩。濫恩橫賜。糜費百端。京師土木之工窮奢極侈。往往師成實董其事。因而偷盜官錢。不知紀極儻不察其所爲。而惑其足恭詐僞。必以爲真能廉靖者。此所謂以直濟佞。以廉濟貪。太佞似聖。大詐似忠者也。臣又聞師成在內朝。善觀上意所向。隨向隨轉。每以其性取之。夤緣爲姦竊弄威福。陰奪人主之柄。正如美酒好色。浸淫害人。而人常耽嗜無厭。不覺遭其害也。臣恐師成今在陛下左右。浸潤彌縫。無所不至。陛下離明獨照。洞察其姦。必不爲其所惑。然師成與貫結爲姻家。京黼勗彥。又其積年之朋黨。盤根錯節。牢不可解。師成不去。同惡尚存。深念陛下威福之柄。未免竊弄於此人之手。羣賊等輩。倚爲奧援。陛下雖欲大明誅賞。以示天下。以慰太上之心。胡可得爲哉。數賊罪惡貫盈。陛下素所備知。不待臣區區



之說臣前書所陳已可槩見臣更請以比日所聞爲  
陛下言之前此上皇傳位陛下蓋其聖志素定非臨  
時倉卒之謀惟此數賊實嘗撓之而蔡攸者沮遏尤  
力賴上皇聖明獨斷志莫之奪贊襄之力吳敏有焉  
陛下謙遜之際聞數賊密請鄆王皆來至殿上而師  
成實爲謀始比至事定自知失計乃爭言曰太上之  
志我實成之吳敏之策我實授之定策之功我實有  
之人臣要君莫此爲甚天下共知數賊之心久欲不  
利於陛下方陛下在東宮之時各懷異意欲伺間隙  
於是楊戩亦同其謀臣前書已略言之矣又見比年  
都城婦女首飾衣服之上多以韻字爲飾甚至男女  
衣着幣帛往往織成此字皆是師成倡爲讖語以撼  
國本羣賊和之更相誇尚以動天下之心忠臣義士  
切齒刻骨非一日也迨今傳位之次復肆姦謀其謀  
弗成乃欲貪天之功以爲己力始終陰慝有如此者  
又況蔡京久事上皇素有異心童貫蔡攸近爲虜賊  
結爲內應欲分我中國而王之反狀敗露遂卽逃遁  
朱勔父子勢傾江淞已二十年矣今此數賊同挾上



皇而去亦恐素志勿悛未必肯利於上皇也萬一禍  
有不測而梁師成復從中起陛下將何以處之願亟  
圖之無使滋蔓難圖也臣竊以今日夷狄恣行侵侮  
而我上皇哀痛罪已至避位而去凡厥左右大臣及  
親近用事之人不問有罪無罪率當引已歸咎自求  
貶放為君分謫也豈有其君痛自罪已而一時巨臣  
偃然自若略不知悔則前日之事咎將誰執矧今夷  
狄之釁實自數賊啓之不知陛下何憚不誅而縱其  
遠遁使之幸免耶或尚使之出入禁闥而無所忌憚

耶江淞之變蕭牆之禍不可不慮陛下若欲正厥典  
刑當自梁師成始不然則朝廷之上動輒掣肘事未  
可圖也臣願陛下勿以臣布衣之言為無足采者愚  
者千慮必有一得陛下姑試行之仍願陛下速降德音  
往。上。皇。行。在。告。諭。應。隨。行。軍。兵。錫。以。厚。賞。各。使。悉  
心。協。力。衛。護。上。皇。車。駕。亦。乞。亟。命。宰。臣。恭。賞。陛。下。親  
筆。奏。請。往。迎。上。皇。早。還。京。師。庶。使。不。負。終。身。欣。然。樂  
而。忘。天。下。之。志。陛。下。復。全。父。慈。子。孝。之。美。以。彰。孝。治  
之。盛。天。下。幸。甚。臣。為。此。書。而。或。見。譙。曰。上。方。以。夷。狄



爲患子獨不能獻一謀策以爲上計而乃汲汲於前日之事母乃不知前後緩急乎臣應之曰此大不然者夷狄之患止於手足羣賊之患實在腹心腹心疾去元首自全手足浮疴豈能爲害今夷狄所欲大則土疆小則玉帛玉帛相通自古有之祖宗土疆得之甚艱寧忍棄之一日縱敵數世之患寧不鑒之城下之盟不足守也豈不知之千里襲人未有不亡者也今賊襲我越數千里其亡必矣尙何疑有師克在和不在衆同心同德和之至也廟堂之上帷幄之中將相大臣孰能從之陛下淵默雷聲乃赫斯怒奮發英武以殄醜陋又何難焉此在睿謨必有以處之矣如臣書生豈敢妄議臣書所陳必欲先誅六賊者事繫陛下父子天性之重宗社生靈莫大之計臣謂今日之事惟斷乃成當斷不斷反受其亂幸陛下畱神瀆天威罪當萬死臣不勝戰慄恐懼之至

翼按宣和間謂婦人有標致者爲韻至施之衣者曰韻纈果實曰韻梅調曲曰韻令乃梁師成爲鄆邸倡爲此識也







